



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

15. Dies Novemb. Quidquid mihi vult dare Deus meus, auferat totum, & se mihi det. S. Augustinus in Psal. 26.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

15. DIES NOVEMB.

Quidquid mihi vult dare Deus meus, auferat totum, & se mihi det. *S. Augustinus in Psal. 25.*

Deus est I,
omne bo-
num.

Non miror Augustinum optantem sibi auferri omnia, ut detur unum, quia unum illud cum sit totum, quis illud non potius praeligat quam partes, & cum illud unum sit omne, in uno habet omnia. Jure igitur eum qui est universa creatura emendicat sibi objectas delectationes, ad satiandas insatiabiles cupiditates, copiosæ inopiae, & ignominiosæ gloriæ, Augustinus sic redarguit: (a) *Quid amas, ut Deum non ames? dic mihi, ama si potes aliquid quod ipse non fecit, circumspice universam creaturam: vide utrum alicubi cupiditatis vitio tenearis, & à diligendo Creatore impediaris, nisi ea re, quam creavit ipse, quem negligis. Quare autem amas ista, nisi quia pulchra sunt? possuntne esse tam pulchra, quam ille à quo facta sunt? Miraris hæc, quia illum non vides, sed per ea que miraris, ama quem non vides. Interroga creaturam, quia si à se ipsa est, remane in illa, si autem ab illo est, non ob aliud perniciosa est amatori, nisi quia preponitur creatori. Itaque non sunt amandæ creaturæ nisi eo modo, quem præscribit S. Augustinus. (b) Si autem ista diligis, ut subjecta dilige ut famulantia dilige, ut arrham sponsi, ut munera amici, ob beneficia Domini, sic tamen ut memineris se per quid illi debeas, nec ista propter se, sed ista propter illum, nec ista cum illo, sed ista propter illū, & per ista illum, & super ista illū diligas. Hæc norma est regendi, hæc forma dirigendi, hæc regula moderandi nostri amoris,*

(a) *In Psal. 79.* (b) *In Medit.*

amoris, ne à scopo aberrer, à via deviet, à fine defleat.

II. O Domine in singulis creaturis temet exhibes prospiciendum passim per naturæ transfennam: in omni creatura occurris mihi, toties amorem tuum irrogans & amorem meum rogans. Quancumque fenestram aperiā, ades amator, stans post parietem, respiciens per fenestras, prospiciens per cancellos, si videam, si audiam, si odor, si sapiam, ecce ades facies tua decora, vox tua dulcis, & odor Dei mei, & favus cum melle tuo: ubique convenior de amore, omnia amorem tuum, & pulchritudinem murus clamoribus, & inaspectabilibus coloribus objectant. Sed quæ vox, aut imago, cognitionem tui dabit? Non possunt creaturæ te pingere, ex omni earum perfectione lituram tantum cognosco. Quis ergo es aut ubi pulcher mi? qui cum ubique mihi adsis, nullibi te invenio, & cum omnia sis, nihil omnium te puro? pro imagine tui, se objectare mihi creaturæ, sed ego ænigma æstimo, non es Domine, & id quod delignant te esse, quæ licet non mentiantur, taliter te indicant, ut non sis id quod prædicant verè. Ita quasi vi quem diligit anima mea, quæ sivi illum & non inveni, surgam & circuibo vias naturarum, & plateas cælorum. Interrogavi formas rerum, concentus melodiarum, odores aromatum, sapes mellitorum, amplexus charorum, & dixerunt: Non sumus dilectus tuus, ille fulget, ut non capiat locus, sonat, ut non ferat ventus; olet, ut non spargat flatus, sapit, ut non noceat fames, hæret, ut non separet fastidium. Interrogavi terram, & respondit: Non sum ego: si cæli cælorum non capiant illum, quid me rogas? Interrogavi

interrogavi mare, & contremuit, dicens non sum, major abyssus est, & pertransiri nequit. Interrogavi cœlum, & dixit non sum Deus tuus, ascendit ultra.

III. Si vos non estis creaturæ, dicite mihi aliquid de illo. Responderunt mihi vigiles mentes, & custodes spiritus mundi, Ipse fecit nos; quære illum super nos. Paululum cùm pertransissem eos, inveni quem diligit anima mea, non inveniens illum in creaturis. In hoc solo video, & inenio te, ô lumen in medio positum, quod non possim te videre, nec invenire. Nam quomodo assequar quod incomprehensibile est? fuge, fuge dilectile mi, in hoc te consequar, quia fugis me, nec possim te assequi. Plus nosco de te quantum novi te non posse cognosci à me, in nocte, & in quiete anguli mei per noctes quæsi vi quem diligit anima mea, nox est respectu tui, splendor rerum venustarum: nox est, decor cœlorum: nox est, solis splendor, lunæ candor, stellarum nitor & totius mundi fulgor. O Deus abscondite! si ignoratus places mihi super omnia quæ scio, quid facies mihi cognitus, cùm te coram & palam sciam? Eripe, evelle cor meum, accipe omne velle meum, nec mihi unquam restituas. In te sit cor meum, quia in te est Thesaurus meus. O Deus cordis mei, quia jam es Dominus illius. Tu es Deus cor meum, Deus pars mea quæ defecit mihi: cor scilicet meum eris in æternum: officia cordis mei imple: Ipse poteris velle pro me, & sollicitus esse, quæ mihi expediant. Ego tantum diligam te, Tu amabis me pro me, ut ego penitus amem te, ut nec amor mei impediat me. O felix jactura cordis, si Deus pro corde est! eris autem plus quam væcors, si Deo spreto consecres cor

Pars III.

M m m

mundo.

mundo. Habet enim mille quibus cor capiat de
quibus implicet laqueos. Ergò

Effuge jucundi laqueos, & retia mundi.

16. DIES NOVEMB.

Quis sic delectat, quàm ille qui fecit omnia, quos
lectant. *S. Augustinus in Psal. 32.*

Deus fons
omnis de-
lectatio-
nis.

Non plus potest esse anima
ne delectatione, quam in
respiratione. Quamdiu
ras, semper in aliquo, que
quiescas, respiras. Itaque cum delectari necesse sit, des-
bes delectari caducis, aut æternis, humanis, aut divi-
nis. Illa est mens D. Gregorii. (a) *Esse sine delectatione
anima nunquam potest: Nam aut infimis delectatur,
aut summis.* Quid te abjicis ad infima, qui natus es ad
summa? non modò quæris semper habere summa,
sed ambis ubique esse summus, nusquam non pri-
mus. Cæsar tam erat intemperanter ambitiosus, ut
maluerit in ignobili vico primus esse, quam in atri-
orbis Romæ, secundus. Nonne hæc est stultitia sum-
ma, velle in omnibus esse summum, præterquam in
delectatione? unde expectandum summum gau-
dium, nisi in summo bono? quidquid utquam illi
sensui, vel rationi, vel voluntati occurrit delectabile
nunquid est ex eo, qui est ipsa delectatio, & qui fecit
omnia delectabilia? quasi verò plus te delectabit ali-
quid delectabile, quàm ipsa delectatio. Si nolis servi-
re, si timeas ne in te mundus dominetur, (b) *delecta-
re in Domino.* Ne timeas spernere quæ hæcenus te
oblectarunt, nullum delectationis patieris damnatum.

(a) *L. 18. Moral. c. 8.* (b) *Psal. 35.*